

南詔大理歷史文化叢書 第一輯

南詔野史

下

蘇州府志卷之四十五

南越野史

卷之四十五

責任編輯 譚曉紅

南詔大理歷史文化叢書 第一輯

南詔野史(上下)

巴蜀書社出版發行

(成都鹽道街三號 郵編六一〇〇一二)

成都福利東方彩印廠印製

一九九八年十月第一版

一九九八年十月第一次印製

全套定價：柒拾肆元

ISBN 7-80523-937-1



9 787805 239378 >

ISBN7-80523-937-1/K·189

增訂南詔野史下卷

明四川新都楊慎升菴編輯

大清湖南武陵胡蔚羨門訂正

段氏總管

除天定賢王段興智受封總管七年外

起段信直日

即段實

訖段

世共襲十二世段實

又名信直

段實於南宋理宗辛酉景定二年蒙古世祖之中統二年

入朝於世祖襲總管賜虎符領大理威楚鄯闡統矢會川

建昌騰越等城自萬戶以下皆受節制南宋理宗癸亥景

定四年為世祖中統四年蒙土口設大理都元帥府命昔撒

昔總制鬼國大理兩路理宗甲子景定五年爲世祖至元
元年妖僧舍利威結威楚統矢鄯闡及三十七蠻部叛實
討之大破於威楚統矢安霄等處又破釋多羅十餘萬衆
於洱河海口南宋度宗丁卯咸淳三年蒙古世祖至元四
年以皇第五子忽哥赤爲雲南工鎮大理至元五年忽哥
赤受命與安南國王討占城真臘南南宋度宗咸淳六年世
祖至元七年置大理路軍民總管府南宋度宗辛未咸淳
七年爲蒙古世祖至元八年冬十一月世祖改國號曰元
雲南王忽哥赤爲元帥寶和丁卯元伐金齒縹甸降之

分大理三十七蠻部爲南北中三路遣阿魯忒兒宣撫大
理詔諭諸蠻南宋度宗甲戌咸淳十年元世祖至元十一
年封宗室脫忽魯爲雲南王命懷閉行省平章政事賽典
赤建雲南各衙門妖僧舍利威德叛實遣石買等詭爲商
賈執贄往見挺矛鏃殺之梟首於市元世祖賜實白金及

金織紋衣南宋恭宗丙子德佑二年元世祖至元十三年

授實爲大理等處宣撫使緬甸叛犯永昌元命納速刺丁

賽典赤之長子
後封延安王

伐之破砦三百囚天暑還師復命諸王相

吾答兒右丞太卜泰政也罕的斤伐緬招討使怯烈先驅

造舟於阿若阿禾兩江進拔江頭太公二城金齒烏蒙皆
降南宋帝昺庚辰祥興二年春二月爲元世祖忽必烈之
至元十七年宋亡元入主中國以忽哥赤之子也先帖木
兒爲雲南王命忙兀魯征八百媳婦緬敗忽都帖木兒兵
詔思播土官田楊二處兵助討之命征緬官悉聽雲南王
節制至元辛巳十八年實率阿慶入覲元祖嘉其忠晉
大理威楚金齒等處宣慰使印元帥陞辭復拜爲雲南諸
路行中書省叅知政事留阿慶宿衛東宮至元壬午十九
年實受勅迎征緬師於金齒病卒詔以其弟忠爲大理宣

慰使兼管軍民萬戶府贈實爲武定公實任職二十二年

段忠 實之弟

段忠元世祖癸未至元二十年襲是年忠隨元元帥潤木
征叅部兩林蠻及會川等處破賊立功元授忠爲鄯闡酋
賜虎符元置邦牙宣慰司於蒲甘城命雲南王也先帖木
兒率招討使怯烈總兵三千往鎮之忠奉雲南王命伐武
定冬十二月忠卒以實之子阿慶爲大理金齒等處宣慰
使都元帥佩金虎符封宣武將軍晉鎮國上將軍尙公主
遣歸復授雲南行省叅政忠任職一年

段慶即阿慶實之子

段慶元世祖甲申至元二十一年襲至元二十五年以雲南王也先帖木兒移鎮大理進封營王至元二十七年冬十月封皇孫甘刺麻爲梁王鎮雲南至元二十九年改封梁王甘刺麻爲晉王鎮北邊至元三十年封甘刺麻之子松山鎮雲南至元甲午三十一年世祖崩孫鐵木耳立是爲成宗成宗丙申元貞二年置徹里路即車里軍民宣慰使司令與八百犬牙相制秋八百叛命也先不花征之成宗己亥大德三年雲南水西土官宋隆濟叛貴州知州張懷德戰死

雲南行省麻九兒討之追殺賊首撒月斬首五百級慶奉
勅征交趾平之入朝帶僧左黎同往適成宗病手疽甚黎
以法水洗之立愈帝欲試其術乃掘地窖令八人潛其中
擊鼓佯云有怪召黎治之黎行法頃之不聞鼓聲啟窖視
之則八人已死帝敬其法封爲國師大德四年緬人僧哥
倫作亂緬酋執其兄阿散哥也尋釋去阿散乃率其黨殺
酋酋次子奔憇京師詔遣薛超兀兒率行省兵討之大德
五年金齒八百叛不輸糧殺官吏元命右丞劉深哈刺帶
鄭祐等征之劉深協求水西土婦節金三千兩馬三千匹

土官宋隆濟遂叛圍深等於窮谷中梁王濶閻率兵救解
之冬雲南地大震御史陳天祥諫伐西南夷不報大德七
年罷征八百免右丞劉深官收符印左丞相哈刺哈孫議
深徼名首釁喪師辱國勸帝誅深遂殺之深即往以兵徧
南宋帝昺於謝女峽者大德八年立平雲南碑於點蒼山
順元宣撫宋阿重獲其叛叔宋隆濟朝命陞職賜衣一襲
滇池有蛟化少年淫婦女有神僧趙伽羅者命黑胡神擒
之至暎水見形斬之神即土主也成宗丙午大德十年羅
雄土官阿那龍少叛據越州

今在曲靖府南六十里本
唐之悅州其川名魯望

命

右丞汪惟能討之追至曲靖斬那龍少是年慶卒弟正襲慶任職四十三年

段正 慶之弟

段正元成宗丁未大德十一年襲正招蒙化山中生爨入

籍元授正爲泰政仍大理軍民總管晉寧建盤龍寺有神

僧覺照者段氏族人號蓮峯遊東山見龍潭景絕幽勝乃

咒龍令徙龍去水涸建寺其地蔚按蓮峯僧於順帝之至正末入定塔中武宗

海山戊申至大元年霑益烏蒙地大震三日竝出至大二

年三月梁王松山有風疾詔封皇第七子西平王奧魯赤

南詔異史 卷五
之孫老的代鎮雲南仁宗愛育黎拔力八達壬子皇慶元年詔罷征八百皇慶癸丑二年冬十月學士李孟奏准開科三年一試時九成殿生芝天下共取士三百名每榜雲南取五名內蒙古二名塞目二名漢人一名以八月二十日初場二十三日次場二十六日三場仁宗乙卯延祐二年十一月封武宗子和世珠爲周王出鎮雲南仁宗丙辰延祐三年正卒慶子隆襲正任職十年

段隆 慶之子

段隆元仁宗丁巳延祐四年襲元授隆爲大理軍民總管

延祐己未六年雲南行省奏夷俗凡土官無子即以妻代
管請聽之詔曰可延祐庚申七年封甘刺麻孫王禪爲雲
南王英宗碩德八喇癸亥至治三年進封王禪爲梁王封
其子帖木兒不花爲雲南王是年八月諸王按梯不花索
羅月魯鐵木兒等及御史大夫鐵失弑帝於南坡行幄九
月泰定帝也孫鐵木兒即位十二月流諸王月魯鐵木兒
於雲南泰定四年洱河有水怪牛豬形短頂金睛興水爲
患大理一道人向隆取黃金百鎰隆與之乃以金爲索沉
於河怪即日徙於浪穹寧河按六詔靈源記云寧河無底

明宣德間有漁人李應捕魚網得金索旋得旋斷一漁者
誠之曰可止矣應貪甚儘曳之索將窮驚其怪風浪陡作
應並舟俱溺至今爲患文宗圖帖睦爾庚午至順元年以
豫王阿忒思納失里出鎮雲南諸王禿堅據雲南叛殺廉
訪使自稱雲南王元詔樞密帖木兒討之發朵甘思等處
兵分道進至四川建昌羅羅斯權尋甸府官曲朮集義兵
討禿堅敗賊伯忽於馬龍追至金馬山擒之是年隆以老
退閒子俊襲隆任職十四年

段俊 隆之子

段俊元文宗辛未至順二年襲元授俊爲雲南行省平章
烏撒部奏雲南驛輸征甚苦願屬四川奏下叅政賈敦熙
議之是年俊卒族弟義襲俊任職一年

段義 俊之族弟

段義元文宗壬申至順三年襲朝命止授爲承務郎蒙化
州知州是年阿容禾叛於中慶路義助兵討平之以功陞
叅政九月烏蒙土官祿余寇順元雲南行省遣都事那海
奉詔往諭授余爲叅政冬十一月雲南行省奏國馬每月
上寅日給鹽飲之無病因伯忽叛鹽不給馬多死詔四川

以鹽給之是年義卒隆子光襲義任職一年

段光 隆之子

段光元順帝受權帖睦爾癸酉元統元年襲朝命止授爲承務郎蒙化州知州番兵作亂孟州判官李生等守白崖值高蓬新敗番兵乘勝長驅破河尾關光率兵大敗之斬馘無算河水盡赤爲之不流得戰馬甲仗數千光賦凱旋詩曰雨鎖金門百里城神州花木管絃聲齊天蒼嶽秦雲峻界地榆河射月明梵宇三千朝唄朗招提八百夜香清恒沙善果心無異何患愚夷治不平元統二年光以先與